

आत्म-कथ्य

रामतिया मत तोड़ के पश्चात् धा जमीन
घापणी व परमाती काव्य संग्रह प्रकाशित
तो हुये लेकिन मेरी प्रिय विधा गीता
का संग्रह प्रकाशित होने में काफी सम्बा
धतराल रह गया । इस बीच पत्र
पत्रिकाओं में, दूरदर्शन, आकाशवाणी व
कवि सम्मेलनों में कई गीत लोकप्रिय
हुये मगर उन्हें पुस्तक रूप देने में विलम्ब
हुआ मगर मेरे उत्साही सहयोगियों ने
इस संग्रह (कुण कुण ने विलमासी) को
शीघ्र प्रकाशन की जो व्यवस्था की मैं
उन्हें हृदय से धन्यवाद आपित करना
चाहता हूँ । सामतीर से भी क हैयालाल
जो सिलवाल भी महावीरसिंह जो
खगारोत, व प्र य मेरे अनेकों प्रशंसक
जिनकी प्रेरणा से मुझे आत्मबल मिला ।
मुझ विश्वास है कि आप सभी शुभ
चित्तकों व राजस्थानी भाषा के प्रबल
उपभक्तों को यह संग्रह पसंद आयेगा ।

— कल्याणसिंह राजावत

कुरु कुरु नै बिलमासी

कल्याणसिंह राजावत



राजावत प्रकाशन

चितावा हाउस,

53, शिल्प कॉलोनी,

भोटवाडा, जयपुर-12

प्रकाशक

राजावत प्रकाशन

चितावा हाउस,

53, शिल्प कॉलोनी,

भोटवाडा, जयपुर-12 (राजस्थान)

□

प्रथम संस्करण, 1989

□


मूल्य—पैंतीस रुपये

□

मुद्रक

रसकपूर प्रिंटर्स

दीनानाथजी का रास्ता, जयपुर



स्नेहशील ठाकुर मंगलसिंह
भदलिया

नै घणै नेह सू

—कल्याणसिंह राजावत

दृष्टि प्रस्तुति

भाव को जीना और उससे चितराम उतारना ग्राम आदमी का नाम नहीं है। ग्राम आदमी में विशिष्ट प्रतिभा अनुभूति के सयाग से अभिव्यक्ति की कला पाती है, तब ही कुछ बात बन पाती है और वह बात ग्राम आदमी की हाती हुई भी ग्राम से बढ़कर होनी है यानि कि खास बात। वह खास बात अपनी अस्मिता से हर ग्राम को आ दीलित करती है। ऐसी ही आन्दोलन की वृत्ति राजस्थानी के मधुर कवि श्री राजावत में हैं जिस पर ग्राम आदमी मुग्ध है। राजावतजी के अनेक गीत संग्रह प्रकाशित हो चुके हैं, इन गीतों की भाव प्रवणता तथा अनूठी अभिव्यक्ति ने सामान्यजन के हृदय को झकड़ कर दिया है।

प्रस्तुत मकलन 'कृष्ण कुण्ड नं बिलमामी' का मगयावरण ही जीवन की मटीक व्याख्या के रूप में है जो आस्था और यथाय का मूल श्लोक है—

समरथ हो समझा तो ऊमर ई ऊमर हूँ ।

नाचा तो जिनगाणी घूमर ई घूमर है ॥ [जिनगाणी]

मानव जीवन सुख दुःख, हृष्य शाक राग-द्वेष आदि सभी अतद्वद्वा से मुक्त हो सकता है यदि अनासक्त भाव से जीता है तो जीवन में नन्द ही नन्द है अर्थात् जीवन की साधकता है। जीवन के सनातन रहस्य को सहज भाव से अभिव्यक्त किया गया है। श्री राजावत ने सरल, सीधे और स्वाभाविक रूप से गीतों के माध्यम से अनकही, अनछुई बातों का कहकर दिशाबोध देने का निशा दाह जा स्पृश्य है। छोटे छोटे शब्दों में उक्ति वचि-य की विदग्धता है। जीवन में कम के प्रति आस्था आवश्यक है विरासत की पूँजी से गति नहीं है। कवि ने कहा है—

गवाही दतिहासा री देर,

तगाही कद ताई करसी ।

बुरजडी हुई भाखरा डेर,

चिणाई अब किया करसी ॥

कवि यथाय के प्रति आग्रहशील है तो आग्रह की पगडंडी पर भी चटना चाहता है। रसभरे शृंगारिक गीतों में स्वच्छ दत्ता की भावना नहीं है ताव जन

व प्रति ध्यामो भी नहीं। शृंगारिक गातो म कवि दृष्टि प्रसाद से ही सायकता स्वीकार लेना है। भगन आत्मसंकल्प इच्छा, कम और क्रिया के समवित रूप के व सदम म कहता है—

जितरी जडा जमी म होसी, उतरी साय बधीजला,
जितरी रुई कनरण राख, उतरा सूत कनीजला।

अपने कम की कलावृत्ति भाग्य पर नहीं छोड़ता अपितु स्वयं के दायित्व व प्रति ही आप्रह है। वैयक्तिक अनुभूतियों से समष्टि के सुख दुःख, हृष शोक, उन्मास कुण्ठा का दृढ़ जीता हुआ कहता है—

सूरज इसरो ना सिलगाव, पण तारा उतपात कर।

जहाँ शृंगार, प्रवृत्ति एवं सौंदर्य व मनोरम प्रतिविम्बों की शब्दविषम से उतारा है वहा समाज क संघर्ष व प्रति अनदेखी की नाचना नहीं है। नारी के अस्तित्व की सुन्दर समीक्षा की गई है—

भगती रो गणगौर हू
सगती रो सिरमौर हू।

समाज क साथ साथ राजनीतिक-पर्यावरण के प्रति अपनी आशंका को जम दिया है—

बो भ ठो, बो साँचो कोनी, कुण पर करा भरोसो कैया।
राजनीति दल म्हारी निजरा, मछुवारा है जाल भायला ॥

श्री राजावत का कवित्व सवतामुखी है, जीवन क वैयक्तिक एवं सामाजिक पक्ष को उजागर करते हुए राष्ट्रीय चिन्तनधारा के प्रति सजग है। भोधा म सहज आचलिकता तथा आकषण तो कवि का वशिष्ठ्य है। इस सक्तन का शीपक ही 'कुण कुण नै विलभासी' कविता की साक्षकता है। मैं समझता हू कि कवि का अपना अस्तित्व है और अपनी अभिव्यक्ति धारा से हटकर है, जो अभिनवनीय है।

आचार्य उमेश शास्त्री
विभागाध्यक्ष सङ्कट
पारोक कालज, जयपुर

अनुक्रमणिका

जिनगाणी	1
बेलडी	3
जाउन है	4
फूल सू बाता करणो है	6
हेत बाजार मे	8
जावन मत जा रै	10
घारी पू जी ल	12
बीज म बरकत होगी र	14
दे छल गाथा गीत	15
पठनाबो	16
भाव र	17
जे तू मिल ज्माय करण	19
समदर पर बादळा	21
अडीक	23
प्रीत री बोसाल हो धे	25
सौरम रै द्वार	27
कलियां कानी रै	28
घारो भ्राणो	29
महै तो जाणू	30
कुण कुण तै बिलमासी	31
तू गोरी, बा सावली	33
रमता-रमता	35
सूखा रू ख * गीला बोल	36
ताव सू लस्कर बध आसी	38
जद कुण गीत लिखला	40
भघारो	42
रोसनी र बारण	44
दोड दडबडां	45

गीत	
मूल बैठे अर डाल कटे	47
तन तो तोला मासा रै	49
रुत न रुजगार मिलना	51
प्रीत रा मन	53
आबो फलगयो अ	55
क्यू	57
आस मती	58
है खीचडी लजुरां प	60
मै जाणा	62
लुभाया लेगी रै	63
माणस	65
आकत म आदमी	66
बाबा लोय घडी	68
हार मती	69
ऊट डू गरा नीच आया	70
क्यू दोस कबीरा प	72
बात	73
सारठा	74
सारठा	75
बात कर वादल सू	76
ये आया	77
मुक्तक	78
राजस्थानी नार ह	79
रावण क मरसी	81
हलोत्यो	83
भामला	85
दोहा	86
सोरठा	87
	88

जिनगाणी

समरथ हो समझा तो ऊमर ई ऊमर है
नाचा तो जिनगाणी धूमर ई धूमर है,

काटा तो सस्तर है
सीलया तो अस्तर है
पीलया तो समदर है
करलया तो कमतर है

इए रा रूप अणूता है
अज हू ई अणकूता है
ओढा तो जिनगाणी चूनड ई चूनड है

आभै रो पाणी है
घरती रो घाणी है
किण री तो जाणी है
किण री अणजाणी है

सुरता सार अक्षीठी है
बळती भळा अगीठी है
याका ता जिनगाणी डूगर ई डूगर है

जोवन रा भाला है
 मदभरिया प्याला है
 समझा तो हमरत है
 अण समझया हासा है

इण रा नैण नसीला है
 इण रा बैण रसीला है
 निरमा तो जिनगाणी भूमल ई भूमल है
 पामल भणकारा है
 गीता गणकारा है
 काजल री कोरा है-
 मैदी रतनारा है

आ तो काण फनोरा है
 आ तो जाने बनोरा है
 पेरा तो जिनगाणी भमर ई भमर है

बेलडी

वार्गा बोच बेलडी, पसरवा लागी
सोरम सारे बायरे, विखरवा लागी

चेतो राखी हाळी माळी
आ है सोने ही सू काळी
हे रे रुपा मू, रुपाळी
इगरी राखीज रुखाळी
चढगी डोळो डागळ, इतरवा लागी

ताता जाळा सा फेलावे
माता जाता मे उळभावे
भवता भोळा ने भरमावे
स्याणी सवरे जो सरसावे
काया ताता दूध सो, उफणवा लागी

उढता पंछी रो मन होले
आंक भीठू धाने ओ ल
कोमल सतळावे सुड तोल
बोली मोत भरी से बोले
भवरा का ई कानडा, कतरवा लागी

अळियांगळिया धूमरे घाले
सैना सैना, मे समझाले
सणा नेणा, सु, चवळाले
यजवण बेजा ही अहकाले
लाजा मरती आगणी, कुचरवा लागी

जोबन हँ

गोरी ! थारै नैणा मे मदसाळ--जोबन है
गोरी ! थारी वाणी वँण रसाळ--जोबन है

जै जीवण जोबन नो होतो
(तो) सपनो साचो नीं होतो
सास भलूणी ही रह जातो--
प्रीत दिवलियो ही कृण जोतो

गोरी ! थारा उल्लभ--सुळभ बाळ--जोबन है
गोरी ! थारी गजमस्ती री थाल--जोबन है

जै भवरो बागा नी जातो
(तो) फुलडो यू ही मुरभातो
सौरम री मरजादा घटती--
रूप कवारो ही रह जातो

गोरी ! थामे फूला री फुलवार--जोबन है
गोरी ! थारी काया ही कचनार--जोबन है

जै रग रा ब्योपार न होतो
(तो) रूत री रूजगार न होतो
रग रगिया भव सागर तरता--
वदरग वेडो पार न होतो

कुण कुण नै बिलमासी

गोरी ! थारा अग अग रग साळ-जोवन है

गोरी ! थारा अघरा मिसरी थाळ-जोवन है

जै जग मे सिणगार न होतो

(तो) जीवण मे सार न होतो

काजळ टीकी रै बिन फीको-

अग रहतो-अणगार न होतो

गोरी ! थामे पायल री अणकार-जोवन है

गोरी ! था में मिलण री मनवार-जोवन है



फूल सूं बातां करणी हैं

जलम रो जोबन है तू हार
 प्रीत रो गीना सू बोपार
 तार मे सौरम रो संगीत-
 मोत सू घाता करणी है
 फूल सू बाता करणी है

आगण-आगण खणकै कागण, काभण री भणकार रै
 कामण-कामण, मरवण भामण, गजवण हृद सिणगार रै

गुमानण घू घट री दरकार
 छोडता हुनै घणा रिभवार
 हार मत, रंमलै रोगा रीभ-
 रीत री राता रमणी है
 फूल सू बाता करणी है

होळ-होळ इमरत घोळ, ढोळ रस री धार रै
 भोळ-भोळ भाव भकोळै, रोळ रग गुलाल रै

मुळकता ई माना मनवार
 नैण मे नसो चढ सो बार
 द्वार पर भ्रूमा करा उडीक-
 ठीक रग मागा भरणी है
 फूल सू बातां करणी है

सरवर सरवर' गागर-गागर हस बतळावण पाळ रै
 तरवर तरवर तन मन तर-भर मनभर हीडे ढाळ रै

कुण कुण नै बिलमासी

सास में चदण री मैकार
दिखावो चादे रै उणिहार
लाज रो लस्कर थमग्यो तीर—
नीर नद हाया तरणी है
फूल सू बाता करणी है

सावण—सावण लगे सुहावण, भावण कामणगार रे
फागण—फागण सखी सुहावण, आवण—जावण द्वार रे

नीद नी आवे सारी रात
पूछ ले काजळ सू परमात
गात रो गुधळें नितरे रूप—
धूर्प तो साखा भरणी है—
फूल सू बाता करणी है

गोरी—गोरी नाच—नचोरी बागा री कचनार ओ
जोडी—जोडी नेह—निगोड़ी मौसम री मनवार ओ

आवसी फेर नहीं मधुमास
रचाले रळें रस भीणों रास
सास रो सागो है दिन ज्यार—
बाह नी साजा सरणी है
फूल सू बाता करणी है

हेत बजार में

बिकग्या हेत बजार मे हिवडे रे वपीपार मे
सारा होरा मोती म्हे, खो दिया गुवाड मे

ब्यू तो हा भरणजाण मे
ब्यू हा नबी पिछाण मे
छलिया पू जी लेयग्या
इण ई खीचाताण मे

बीणा बीज बहार मे, बी दिया उजाड मे
सारा हीरा मोती म्हे, खो दिया गुवाड मे

इतरा लाग्या सातरा
भूल गया से घातरा
नैणा बीच मडीजग्या
चितराम कितरी भातरा

जीणा दिवला देवरै, जो दिया उघाड मे
सारा हीरा मोती म्हे, खो दिया गुवाड मे

बाता नही ब्रुहारणी
घाता नही सवारणी
जोवरण प्यास पिछाणले
पढता नही उघाडणी

कुण कुण न बिलमासी

भूला भूल गवाइयो, कचन गयो उधार मे
सारा हीरा मोती म्हे, खो दिया गुवाड मे

मानो हर मनवार नै
समझी घपणी धार नै
सहरा नावा छोड दी-
भूल गया पतवार नै

रह्या किनारा घातरा, उलझ गया मझधार मे
सारा हीरा मोती म्हे, खो दिया गुवाड मे

जोवन मत जा रे

सपना सिरजण हार जोवन
सेजा रा सिंगार जावन
रूपा रा रिझवार जावन थम जमा रे
पोत री पतवार जोवन मत जा रे

भद रो आधा प्यालो है रे पीवण दे
धू घट हाळो आलो है रे जीवण दे
सावण सुगणी आलो है रे भीजण दे
सपनी रूप रूपाळो है रे छीजण दे

धूमर रा अवतार जोवन
देवा रा दरवार जावन
मोसम री मनवार जावन थम जमा रे
मैफल री मतवाळ जावन मत जा रे

काया री कचनार कळी न सेवण दे
दरप धणो है डीला दरपण दखण दे
सजता साज सिंगार सरूप समेटण द
उलभण सू हद हेत हेत मे उलभण दे

कचन रा कळदार जावन
समदर सा सळदार जावन
मळ बळता मळार जावन थम जमा रे
फळ-फूला फळदार जावन मत जा रे

कुण कुण नै बिलभासो

सातू सुर मे राग रागणी गावण द
पगा-पगा मे पायलडो खणकावण द
रुत रगियो रग रूप अनूप रिभावण दे
फूल्या अणहद फूल महक डुळ कावण दे

उनमादी उणियार जोवन
मद छकिया सिरदार जोवन
मनमथ री भणकार जोवन थम ज्या रे
गजवण रा गळहार जोवन मत जा रे

दो छिए रो ओ मेळो है रे देवाला
रामत रळियो रेळो है रे बहकाला
वाग-वाग मे सौरम सागे महकाला
कठ-कठ मे कोयल सागे चहकाला

अगा रा अणगार जोवन
साकत री तरवार जोवन
अचपळिया अघकार जोवन थम ज्या रे
अवलख रा असवार जोवन मत जा रे

થારી પૂજી લે

પ્રીત વિના ઓ જલમ અધૂરો-થારી પૂજી લે
કિળ રી કરા રુખાલ અવલા-તાલા કૂજી લે

સઈ કિતી સવાર અવેરી
કાયા કાચ જહો
મલમલ ન્હાયા, મલમલ પૈરી
કઠા ફૂલ લહી
દરપણ મૂ નિત હસ બતલાયા
અવલો વાણ પહી
પલ મે ફાગણ ધૂમ મલાતો
પલ મે મેઘ મહી

પલ પલ રે પલવા સૂ થામ્યા થારી પૂજી લે
કિળ રી કરા રુખાલ અવલા તાલા કુજી લે

મન મે રૈવે વાત "ક કોઈ
મીઠી વાત કરે
નેણ સેણ રા દિવના વાતો
સારી રાત બલે
આમા રે આકાસ સલૂણો
ચાદો નહી ઢલ
કદે ન મુરખ સોરમ સેતી
હસહો ફૂલ ફલ

સપન વિના સા નીદ અધૂરો-થારી પૂજી લે
વિળ રી કરા રુખાલ અવલા-તાલા કૂજી લે

कुण कुण नै बिलभासी

कातर-कातर ओढण सू कट
सारो डोल ढक
तिणकै तिणकै री तपती कद
खदबद खीच पकै
हर उडती पाख्या रं सागै
उडिया पाख थकै
हर बसी रं सागै सागै
नाच्या नही धिकै

घाट-घाट पर जा-जा बाक्या थारी पूजी ले
किण री करा रुखाळ अकला ताळा कूजी ले

देवलिया सै धोक धापिया
अव किण नै पूजा
आखर अरथ अलेखूं राखे
आखर सू धूजा
जिण भूरत रा दरसन करिया
मिली नही हूजा
कुण भरमाई कुण ले भाग्या
अव कुण नै बूझा

घार नही रस सार नही बस थारी पूजी ले
विण री करा रुखाळ अकला ताळा कूजी ले

बीज में बरकत होगी रै

बली फूल में रूप बदलगी
भवरा री सा बात समझगी
देखो रत री ओक अचम्भो

दाबडी दरखत होगी रै
बीज में बरकत होगी र

नुगरो पवन कुचरणी गारो
हर झाकै निरख उणियारो
आसा री आकास पसार्यो

निजर तो सरवत होगी रै
बीज में बरकत हागी र

तन नी तिरस जेठ री परती
जुगा जुगा मू रगी परती
प्रीत मेघ र अक हवाळ

बूद सू तिरपत हागी र
बीज में बरकत हागी र

मूघा हावै हस बतलाणो
लागा र बिच कुवद कमाणा
दया जग री बात बणाणा

काकरी परवत हागी र
बीज में बरकत हागी -

थे अणगाया गीत

थे अणगाया गीत, रीत सू थान गावाला
म्हे मोद मनावाला

वाच्योडा नै फर वाचणो
म्हारै मन री आदत्त कोनी
जूनी भूरत न पूजण री
चचल तन री साबत कोनी
नित सूरज सूनवो जलम रे रास रचावाला
म्हे माद मनावाला

डाळ डाळ पर रग फळै पण
कळिया म बा सौरम कोना
दिवस तपै सूरज कळभळनो
पण चादी सी रगत कानी
थे अण विधिया फून, हेत सूर् गलै लगावाला
सिणगार सजावाला

सपना रो व्योपार कर्यो जद
थे हाटा पर आया कोनी
मेळा रा रेळा मे दुढया
म्हा नै थे बतळाया कोनी
थे अणमिलिया गीत, प्रीत सू थान पावाला
म्हे भाग सरावाला

पछतावो

मन रै महला, प्रीत गाव में
गीत घणा अणगाया रंग्या

घणी अचपळी है जिनगाणी
जोस घणो जोवन नगरी मे
तन परनाळा, तिरै आगणें
नीर घणो रुपल गगरी मे

हिय रै समदर सहारा लेता
अणगिण होठ तिसाया रंग्या

तिरिया-भिरिया सरवर पाणी
भिरमिर आज बरसाती वेळा
कळिया बूख उजागर होता
मदछकिये वास ती वेळा

सगपण मेघ घरा बिच होता
भूण घणा अणजाया रंग्या

कवळी देह कसूमल सपना
अणहूता अणदह्या दीखे
सबद अधूरा भावा भीज्या
हिव नना सू बाचण सीखे

तन रोळा पग सस बथूळा
काम घणा सरमाया रंग्या
गात घणा अणगाया रंग्या

आव रैं

निजरा करै जुहार	आव र
अघरा पर मनवार	आव रैं
प्रीत देस रा	पावणा
मिठ बोलणा मन	भावणा

देख उमरझी घूमर घाल
करै उतावळ कावळ घाल
नीद सजावै, सग ना आवैं
जागण रैं मिस ओळू आवैं

बाघे बादरवाळ	आव रैं
खडी सजाया थाळ	आव रैं
प्रीत पथ रा	पावणा
हस बोलणा मन	भावणा

रुत लागै रैं नवी नवेली
पवन अचपळी बणै सहेली
फूला फूला मे मद दुळिया
अग अग मे हिगळू धुळियो

नाचै मन दे ताळ	आव रैं
गावै रुप घमाळ	आव रैं
प्रीत पोळ रा	पावणा
रग रोळणा मन	भावणा

धुण धुण नै बिलमासो

वतळाव तो नासा फडकें
सबद सुणें तो हिमडा घडक
चाद उग आघ मुसकाता
सरगम सुध-बुध विसरें गाता

मुस्कल घणो रुपाळ भाव रें
टूट सरवर पाळ ---भाव रें
प्रात पाळ रा पावणा
मद मोळणा मन भावणा

जे तू मिल ज्याय कणा

जे तू मिलज्याय कणा, मनडै री बात करा
रुत री तो रमझोळा, रमल्या साथ तरा
जे तू मिल ज्याय कणा

गीत तो गावण रा और कई गाया
हिवडै री हाट तणा और कई आया
आवो व्योपार करा, दो सू दो चार करा
रुत री तो रमझोळा, रमल्या साथ तरा
जे तू मिल ज्याय कणा

कळिया नै काम घणा, महक दुळावण सू
भवरा बदनाम घणा हस बतळावण सू
आवो वा याद करा, थोडी कुचमाद करा
रुत री तो रमझोळा, रमल्या साथ तरा
जे तू मिल ज्याय कणा

प्रीतम री साख घट्या, कागद ओ कोरो है
मन-भर जी आप नट्या, जीवण तो दोरो है
आवो तन ताप हरा, आवा मन घाप भरा
रुत री तो रमझोळा, रमल्या साथ तरा
जे तू मिल ज्याय कणा

कुण कुण नै बिलभासी

ये तो भाको कोनी, इया ई पिछाणा के
थोड़ी थोड़ी बात बिना, थान म्ह जाणा के
मिलज्यो ये साभ डळया, दिवलै रो वाट बळया
हन रो तो रमभाळा, रमल्या साथ तरा
जे तू मिल ज्याय कणा

थोडा सो सावण है थोडो ई फागण है
थाडो सो सोवण है थोडो ई जागण है
थोडो सो जाग करा, थाडो सो फाग करा
हन रो तो रमभाळा रमल्या साथ तरा
जे तू मिल ज्याय कणा

समंदर पर बादला

मछुआ रा जाळ तां बरजता रैया
समंदर पर बादळा बरसता रैया

धाक्या नें धकावण रो
जीम्या नें जिमावण रो
हूनिया रो तो धारो है
धाप्या नें धपावण रो

उमड-धुमड काळिडा गरजता रैया
समंदर पर बादळा बरसता रैया

सूखै सोन तळाई रै
अमर वेल मुरभाई रै
फळवन्नी फळ हीण हुवै
रसवन्ती कुम्हळाई रै

तिरसाया मोर तो तरसता रैया
समंदर पर बादळा बरसता रैया

देखो तो आ हाणी रै
होणी ई अण होणी रै
सूख गई जद धरती तो
छेती क्यारी बोणो रै

कुण कुण नै बिलमासी

बन सू अण बण कर लरजता रया
समदर पर बादळा बरसता रैया

घर री आ फुलवाडो रै
सीच्योडी सी वयारी रै
घार बिना मण सार नही
उजडै है आ सारी रै

डाळी सू पानडा परसता रया
समदर पर बादळा बरसता रैया

अडीक

अडीका उणमणा बँड्या, अदीठा डोळ दरसावो
याद रो आगणो सूनो, ओळ रो पोळ पर भावो

अलूणी प्रीत लागै है

अलूणा गीत लागै है

अलूणी हेत रो हाटा, सलूणा अब न तरसावो

गोरखडे वाटडी जोवा

हिवडली हेत मे पोवा

जोवता ही रहा जागा, भाग नै थे न भरमावो

अटकता आंतरा तोडा

अटकता पथ नै मोडा

जलम नै आप सून जोडा, ठिकाणेंसर तो मिलजावो

रूप रो रास भीणो है

सास रो साथ भीणो है

जोणो ही अजीणो है, प्रीत रो सार समझावो

थळिया थाम चौवारा

गळिया गाव रा बाढा

बघावै बारना लेवै, नेह रो मेह बरसावो

मोसमा बोलटा बोल
 बादळा भेद हो सोल
 बोल्या हो सरैं बोला, अबोला अब न उमझायो

दिए दिए धायळो छेहें
 उदासो भणययो तड

पिरायां में घुट तनटो, मनां में मोद सरसायो
 याद रो भागणो मूनो, घाळ री पोळ परसायो



प्रीत री पोंसाल हो थे

याने तो बुलावा म्हे, म्हाने ना बुलावो थे
बिना ई बुलाया बोलो, भावा तो किया
बतळावा तो किया

गोत री तो ओळी हो थे
रोत री तो रोळी हो थे
प्रीन री हमजोळी हो थे -
रूप री रगोळी हो थे

रूप री रगोळी

याने तो रिभावा म्हे, म्हाने ना रिभावो थे
सुर ने स्यावासी बोनी, गावा ता किया
बतळावा तो किया

कितरी साव भोळी हो थे
मिसरी माय घाळी हो थे
भुमर री चौमाने मे तो -
नीम री निमोळी हा थे

नीम री निमोळी

याने उळभावा म्हे म्हाने उळभावो थे
सुलभण मे तो सार नी मुळभावा तो किया
बतळावा तो किया

कुण कुण न विलमासी

मद री मीक घूटी हा थे
सरजीवणी वूटी हा थे
हीरा रा थे हार हो जो-
नगा री अगुठी हो थे

नगा री अगुठी

याने ना भुलावा म्ह, म्हाने ता भुलावो थे
हिये हदे हेत में, हरखावा तो किया
बतळावा तो किया

रग हो रगसाळ हो थे
निरतण री सी ताळ हो थे
वाजन्ता थे घूघरा हो-
प्रीत तणी पोसाळ हो थे

प्रीत तणी पोसाळ

थारे सग नाचा म्हे ता म्हारे सग नाचो थे
ढम-ढमक-ते ढोल न बिसरावा तो किया
बनळावा तो किया

थोडी सी बतळाण करल्या
थोडी सी मुळकाण करल्या
लांवा जीवण जातरा है
थोडी सी सुस्ताण करल्या

थोडा सुस्तायल्या

याने सग राखा म्हे, म्हाने सग राखो थे
मनडें री मरोड नें समझावा तो किया
बतळावा तो किया

सौरम रें द्वार

आप सू मिलाला म्हे, सौरम रें द्वार
कळिया भुक-भुक भूलें भवरा रें भार
कोयल जद डाळी-डाळी, गीत तो सुणासी रें
फूला फली फुलवाढी रगा रग जासी रें
तितली वरण आसी रग रो बीपार ॥

मिमभरसू भर-भर तरवर, हिवडो हुळसासी रें
मन री अमराई रा तो आबा फळ आसी रें
वायरियें सू बहकैला नदिया री धार ॥

यादा रो पडछाया घट-घट बघ जासी रें
थोडा सा तपसी दिनढा राना सरदासी रें
तारा कहै चाद सू आवा हा तार ॥

पन्तै पन्तै सू वू पळ, छान वतळासी रें
चेहरें चढती चिकणार्दे, बघती हा जासी रें
हरयो हरया जावन ही, जीवण रा सार ॥
कळिया भूब-भूब मन नवरा रें भार ॥

कलियां कोनी रें

मूँधी रत रल्लियावणी पण कलिया कोनी र
तिड जावै जो तावड वै फल्लिया कोनी रें

नोलख तारा बीच अंकलो चाद हुवै तो हस बोला
जुगा-जुगा सू बढ पड्योटे हिवडै री आगळ खाला
घुळ जावै जो बात सू वे डल्लिया कोनी र

मोरम मेती फूल हुव तो करल्या गजरै सू मुजग
नेह नमीली छैल हुनै तो उण रै गाखँ सू गुजरा
भाक्ते झरोखे हाळी गल्लिया कानी रें

हेताळ् हद बाग हुवै तो बतळावा माळी-माळी
रुप रसीली बेलडिया सग लपटीजा डाळी-डाळी
जगत ठगारा ठूठ है कूपल्लिया कोनी र

सपन सास री पानी-झानी जाणै कितरा गाव बसाया
सावण भादु सरवर छळक्या फेर रग्या तोर निसाया
ममदा रा पाणो पीवाळी थळिया कोनी रें

अटकळ-खटकळ खोल चढे कुण मन-मडो पैटो-पडो
साज सजीलो लाज-लजीलो कुण आव नैडो-नैडो
च्यारुमेर त्युहार है रगरळिया कानी रें

तन तापी री तिरसण सागै भरमीजा गाणी माणी
झूनाळें मै मरु भोमीरा हिरण फिर पाणो तणो
चढतें दिन रो तावडो दिन ढळिया कोनी रें

थारो आणो

थारो नही आणो अकथाणो बणग्यो
काई कोई ओर ही ठिकाणो बणग्यो

साच साच कैवा कै खार नही म्हे
सावत हा टूट्योडा तार नही म्हे
आवता अठी नै ब्यू आखता हुवो
कुण थारे मीठो सो मखाणो बणग्यो

आप नै अढीका म्हे मीड सू वचा
अकेला अकेला म्हे गवाड सू वचा
मान—अपमान ने समान समझियो—
बावळो सो मन हद त्याणो बणग्यो

घाट—घाट जाणे रा पाठ भूलग्या
अेक रे ही सग रैवा साठ भूलग्या
मादा मे, बाता मे, सपना मे थे—
अतस रो आक आक गाणो बणग्यो

म्हैं तो जाणू

म्हैं तो जाणू म्हारा मन की
कुण जाणै रे धारा मन की

नदिया समदर सामी जाता
वात कर है खारा मन की
चाद रे आभ मे आना
गत दुरगत है तारा मन की

बयू काई हद हत नुकावे
मत सनमत है धारा मन की
बादलिया मे विजळी भिळमिळ
गरज बरसै धारा मन की

रूप रास रे गोत गाव मे
हाट सजै बिणजारा मन की
मदसाळा मे फिर भूमता
मतवाळी गत सारा मन की

पिणघट रा घट घट पो लेव
तिरस धरणी पणिहारा मन की
गळी-गळी म गाफल डोले
पेठ नही रुळियारा मन की

कुण-कुण नै बिलमासी

कुण कुण रा मन मार-अठतू कुण कुण नै बिलमासी
निछमी रूपाधार नन तो घणा जणा वतळासी ।

धारी चाल-ढाल मे चटका
धारी बात-बात मे लटका
जीवन री पणियार हेत री बादळिया वरसासी

छम-छम वाजै पायल धारी
तीखा दीरघ नैण कटारी
सज सोळा सिणगार घणेरी निजरा नै उलभासी

तू आवै हिवडा हुळसावै
तू जावै जिवडा कुमळावै
जगत करै मनवार नवेली जठै-जठै तू जासी

तू बोलै इमरत रस घोळै
तू भाकै रस राग भकोळै
जासी जिण-जिण द्वार प्रीत री पग थळिया परसासी

जितरी वणी ठणी तू आवे
 उतरा भोळा हिंया रिभावें
 रूप-कळी कचनार, ठगोरी मन भवरा भरमासी

लखपत पाव पुजारा थारा
 धनपत मोल कुतारा थारा

घर-घर भोग लगार अटारया मे आचळ उळभासी
 लिछमी रूपाघार तन तो घणा जणा बतळासी



तू गोरी, बा सांवली

अमर-मृत मत चान मगेजण
छट ठिग छिण छावळी
तू कात बा सावळी

ओ फागण सागण ई रसी
आ मावण मन भावण रसी
नन आसी जामी घिर आसी-
चाद मूरज री जागण रसी

रंग रगही रगरेजण
तू काना ग छावळी
तू कात बा मावळी

रमताँ-रमताँ

रमता-रमता रग रा घरमी कर बँठे क्यू राड
भाज आदमी मे उगर्यो क्यू काटा आळा भाड

हेत-हताई कठै गई बै, गयो कठै अपणेस
सूना-सूना क्यू लागै है, गावा बीच गवाड

लीरा-लीरा रिस्ता-नाता बढळ गयो सा भेस
कुण है कारी देवण हाळो, आवो हेलो पाड

जाण्या-अणजाण्या मिलता ई उमग्याता हिव हेत
अजै वात बा कठै रही रै, जळ-भुन होवै भाड

हाथ-हाथ रो दुसमो होग्यो, प्रीत गयी परदेस
टाग अेक दूज रो खीच, दात दुखावै जाड

आपा-घापी घणी माचरी हारी घक्कम पेल
रोत आज रो इसी चालरी, खेत लावै है बाड

सूखा रुख गीला बोल

सूखा-सूखा रुखड़ा रा गीला-गीला बोल
आ हाटो म ना मिल अर ना बाटा रै तोन

पछी भेर बजावता परभाते री पाळ
सभया लोरी गावता दे दे थपकी ताळ
रितुआ रूप सवारती पूहपडा री माळ
मेघा मोती देवता भर भर ह्याता थाळ

मुधरी वेता बायरो वो घणा बजातो ढोल
सूखा-सूखा रुखड़ा रा गीला-गीला बोल

किरणा मुजरा देवती ऊगतडै परभाते
सभया साज सवारती रगती म्हारा पात
चादा घुर-घुर देखतो तारा क ता बात
रातड नेह जुटावती मोनीडा री जात

दिन पळट्या री बायरो वो भूल गयी सै कोल
सखा-सूखा रुखड़ा रा गीला-गीला बोल

पळ-पळ पाती गावती रळ मिळ म्हा रा गोत
डाळा भूला खावती हस-हस भूली प्रीत
छिण छिण पाती झाडली काळ चकर री रीत
डाळ हिंडोळा टूटग्या राज रेंगग्यो चीत

कुण रह जावें थिर सदा आ नही जगत मे रोळ
सूखा-सूखा रुखडा रा गोला-गीला बोल

उनाळे रै तावडै छाया लेती सास
थकियो पथी देवतो सदा जीण री आस
सूखो देखत मामळयो भाथै मार मजस
फळ पाती म देवतो बो दे आज गडास

फळ देवा रो फळ मिल्यो मिनखा मे आ पोल
सूखा-सूखा रुखडा रा गोला-गीला बोल

लाव सू लस्कर बध जासी

जात री जाजम नै मत फाड रयात री बात उघड जासो
पात रै डाली सू टूटचा रूख पर पछी नी आसी

समदर री लरा ऊचो है
आधिया जोर जणावै है
मोकळा मगर फिर चौकर
गिगण नै घात लगाव है

नाव नै मझारा मत छाड तीर-तट सूना रह जासी

गनाही इनिहासा री द'र
उगाही कद ताई करसी
बुरजडी हुई भाखरा ढेर
बिणाई अवे किया करसी

गोखड गाता रहिया गीत, रावळ रावळ रम जासी

भाक मत पाछा इतरो वीर
त्रागल पय चूक पड ज्याय
पूज मत इतरा भोम्या भेर
पृजारी ई वण कर रह ज्याय

नोट में इतरा मत गहळोज, मूरज री जात बजळ जासी

अघारा धार अघारा है
बता बूकण सू के होवै
घार ई चोर जमारा है
बता बूकण सू के हावै

मावळा बोल्या ई मत जाय, भरम रो भीता डह जासी

आठ अकट सू भावै गाढ
तीन तेरा ई निबल वणै
सप सू साख सगई है
साठ सगळा ई सबळ वणै

तार मत न्यारो न्यारो ताण, लाव सू लस्कर बध जासी

भूजळ मन मे हुवै उजास
उजाळो घर भाई वण जाय
हाथ सू हाथी थकै पचास
सबळ रा राथी जग वण जाय

डील नै राळो मती वणाय, कपट रा सरवर सुस जासी

जद कुण गीत लिखैला

जद कुण गीत लिखैला, जद कुण गीत लिखला
मुर रो साख अडाणी मेल्या, किए विध साज मजैला

धमाचोकडी मे उलभयोडा
मिनख मिनख न भूल गया
रस रामत रा रास गया सै
महक गई अर फूल गया

पणघट जाता घट भरल्याता, कवळा लीग डरैला
जद कुण गीत लिखैला, जद कुण गीत लिखला

कितरी ऊडी अबखाई है
कितरा किरियावर पाळ है
हगर सा दरद उघाडै है
समदर सा धाव रुखाळै है

घरती सू ले अबर ताई, बदरगी रग रंगेला
जद कुण गीत लिखला, जद कुण गीत लिखला

हेत हताई मोत मिताई
 प्रोन पुआणी काणी है
 भायप री पहचान गई
 अघ गा खीचा ताणी है

बिम रा बीज, बीज राखै तो बिम री बेन बधला
 जद कुण गीत लिखैला, जद कुण गीत लिखला

सावण भूल फगण फूलै
 ना घूघर भणकार हुव
 मेदी मुळकै हिंगळू हरख
 ना मोरठ सिएगार हुवै

धग वजाता, रग जमाता, तिरला मिनग्य मिलैला
 जद कुण गीत रचला, जद कुण गीत रचला



अंधारों

अधाग री जूनी जागीर चानणी आग्या पटक है
रात मे अबलख रो असवार दिवस भर माया पटक है

भावज मे खीची दो भीत सुरज नै भाकण नी देव
'वाड' र जाळ मे उलझयो निजर नै नाखण नी देव

हुकलियो भिमरिया भरदे हनाया उदरिया आवै
माकडी खडी करै भरदास मफला काचरडी गाव

सी'ल भू सगपण करिया है कूट सरणाटो लटकै है
रात मे अबलख रो असवार दिवस भर माया पटक है

काजळी नणा कामणगार साभ सैना मे समझावै
उछलती आगण तारा देख निजारा कर नेडो आवै

चाद सू घणा जलम रा बैर मुक्दमो पीढया सू चाल
घरा तो बावण नै दोनी निसरडी हासल नी घाल

विघाडी आठें तक देवै मुघाडै सासा घटक है
रात मे अबलख रो असवार दिवस भर माया पटक है

गढा री जूनी बुरजा बीच भलमली सपना बतलावै
मै'ल ७ वद दम्ज आय छेड चमचेडा बिडदावै

क मुजरा कर वूढलो भस सपाली निजरा वरसावै
पातळी कडिया चिमनी देख दिसावा भपटण न आवै

अमावस भोटौडा त्यूहार छेलियो घर-घर भटकै है
रात मे अवलख रो असवार दिवस भर माथा पटकै है

दायज आई जाजम ढाळ, दासिया बाजोटा ढाळै
याळ घर नै ओछाड उधाड पुराणी लीका नै पाळै

सावती प्याला री मनवार सरवरा सखरी कर जाणै
आगळा खुल नही जद ताण मुछाळा मौजाई माणे

भाक जद लेवै भाण सुराख हडभड भाग भटक है
रात मे अवलख रा असवार दिवस भर माथा पटकै है



रोसनी रैं बारणैं

रात बीतगी ज भोर आयगी या जाणके-

किरण किरण कारण भाकता रह्या म्हे
रोसनी रैं बारणैं भाकता रह्या म्हे

आधला अधारा सू टळता'र टाळना
राज री मुराज री साय नें समाळता
बाघ बानग्वाळ द्वार-द्वार पे अडोक्ता

आगणा मे माडणा माडता रह्या म्हे
रोसनी रैं बारणैं भाकता रह्या म्हे

तिरस मनड नें तो दादळ री आस दी
थनिथौड पर्या न मूरज री माख दी
मानली क मजला प पूग र्या, पहुच र्या

बदम-बदम फासला नापता रह्या म्हे
पड पड पावडा नापता रह्या म्हे

जीत री पिछाण मे रोभता रिभावता
बुसिया रा घूघरा चुणता सुणावता
फला ही फूला रा सपना सजाइया र

जागिया तो गावता'र नाचता रह्या म्हे
किरण किरण कारणें भाकता रह्या म्हे

दौड दडबडा

मन रा अबलख घाड, तू दौड दडबडा
खुल्ला पटिया खाड, तू दाड दडबडा
दडबटा दौड दडबडा

पीलै पोखर पाळ, मिल जिनरो ई पाणी
तकसी कितरी ताळ, अर थाडी जिनगाणी
पुटठा रै परवाण, नाप ले नाप अलेखा
पोडा पोड उघाड, वरा गाडी हमाणी
वधी गगामा तोड, तू दौड दडबडा
दडबडा दौड दडबडा

खुद रो खाल तपाय, 'क खूद रा खेत मिलला
जुध रो भाव जताय, 'क हेत समेत मिलला
नासा सास हिरोळ, जीत रा गीत उगीज-
हाफळ ना डफळोज, क कई कुमेत मिलला
मचरी हाडा होड, तू दौड दडबडा
दडबडा दौड दडबडा

आखडजे मत भूल हात तो मजला आ'गी
भरमा मे मत भूल सोवता जग तू जागी
ऊचो भाखर भोम पथ मे खाड घणेर

मूळ मिल व फूल, जीव लग जाज भागी
 घर बूडिया छ़ाड तू दोड दडवडा
 दडवडा दोड दडवडा

पायन रो भएवार जात रा ढाल मुणला
 मदभानी मनवार, प्रीत रा काल सुएना
 जे जासो तू जात, जगत री अवछी वाजी-
 घर-घर वानरवाळ, गान रा वान सुएला
 अउ न भागे जाड, तू दोड दडवडा
 दडवडा दोड दडवडा

जुग-जुग रा जू झार मूरज र माथ तपीज
 गज माती गळहार मान रा थान थपीज
 रामो तू करडाण, समझ रै सगळा निवला
 मयना री पहूचाण, मीत सू रास रमीजै
 मारग मजला माड तू दोड दडवडा
 दडवडा दोड दडवडा

गीत

म्हे तो प्रीत बघाई अणहद, पण थे घणी उदामी दा
म्हे तो समदर कर्या निछावर, पण थे नदिया प्यासी दी

पथ-पथ मे नैण बिछाया, नैणा करी उडीक घणी
आवणिया फेर नी आया, दरस दुसमणो करी घणी
थार खातर तन-मन दाइया, हिवडे हेत तलासी दी ।

आ नै पूछा, बा नै पूछा, पूछ-पूछ थाक्या जावा
अतो पतो नी मिते कठई, ठूठ-ठूठ भाक्या जावा
दोरो-दोरो लगै जमारो, था दोघार चला सी दी ।

वादो करणो फर न आणो, आ तो बात अजब री है
भूल-भूल के याद करा म्हे, म्हारै गरज गजब री है
इमरत साटै, जहर पिलाक, थे तो पीड जगासी दी ।

मुख बिसगयो, चैन गमायो, नैणा नीद नही आवै
हिवडे सूळ उठ आ जाण्या, कठै-कठै आवै-जावै
म्हारै खातर मू घा हुयग्या, ओरा हाट लुटा सी दी ।

म्हा समभाया समझ नी आब, वा समभाया समझ करा
 अपणी दिन अगहित नी जाणो, थे जाना भी गजब अग
 म्ह ता वा दिन वाग लगाया पण ये साख गमा सी दी ।

बितरा दिन री रूप रास है, इण रा वड गुमज करा
 आ ना तार-तार हाणी है, वण ठण, कई वघेज करा

म्हे ता वारे सुरमा सार्यो, पण थ निजर घुमा सी दी ।
 म्ह ता प्रीत जुटाई अणहद, पण ये घणी उदासी दी ।

मूल कठें अर डाल कठें

जितरी जडा जमी मे होसी उतरी साख बघीजैला
जितरी रुई कतेरण राखे उतरी सूत कतीजैला

जिए पिणघट पर प्रीत न पावै उस घट पाणी पीणो के
मन रा माद मना मे मुरझै, इसो जमारो जीणा के
बतलाया सू बोलै कोनी काम पड्या क्यारी काट-
जा रै मन री मगजी फाटी बीनै पाछी सीणा के

जितरा पाट पडोसी रसी उतरो मया पिसीजैला
जितरी रुई कतेरण राखे उतरो सूत कतीजैला

आसमान पर खेत फळै नी, अ तारा थारा कोनी
समदर छोळा हेत बधानी, अ धारा थारा कोनी
ओस बूद कद माळा पोवै सपना किए रा साच हुया-
छाया रा चितराम बावळा उणियारा थारा कोनी

जितरी नजर भवीजै भरमै, उतरो हियो तपीजना
जितरी जडा जमी मे होसी उतरी साख बघीजैला

इण जग रो है उलटो धारो, धोल कठे अर चाल कठे
गठजोड रो गाठा उलभै कोल कठे अर ताल कठे
काया तो कागद रो माया जो लिखणो सो लिख देरं-
मन रं बडलै साख हजारू मूळ कठे अर डाळ कठे

जितरी तिरस बुझाणो चासी, उतरी तिरस बधीजैला
जितरी रुई कतेरण राखै उतरो सूत कतीजैला

पाणो धारा नाव डुबोदे, पण नोहा रो जीवण पाणी
उड उड आवै घणा पतगा प्रीत जोत मे वळवा ताणी
मरण माच नै सा जग जाणै पण जीवण हित जुध लडै
प्रीत पागळी लूलो गू गो, पण इण स् है खोचा ताणी

जितरा सबद भाव मे भीजै उतरा गीत लिखी जैला
जितरो जडा जमी मे होसी उतरी साख बधीजैला

तन तो तोला मासा रै

अमर सदा वाणी रो जोवन, जीवण समझ तमासा र
बोझ धणी मन रो भारी, ओ तन तो तोला मासा रै

बीती सू परतीती राख, आगत आवभगत बिसरै
मूढ कल्पना ग तिरसकू, सदा अघर-वम म बिचरै
घरती पर आखड वाळा ब्यू, बात करै ऊँची-ऊँची
सपना गी मगत सोविणया, किएरै पथ उजास करै

उलझी धणी अकल ही ज्यारो, किस बिध सुलझै भापा रै
बोझ धणी मन रो भारी, ओ तन तो तोला मासा रै

सूरज इतरो ना सिलगावै, वण तारा उतपात कर
रण अमावस रैवै कुमनी, पण पूनम ई घात करै
रण फूल गो रमै न गग-गग, सौरम राज करै मनड
दैव वासना ग भूखा पण, मिनख भोग री आस करै

आसा अथक बधावै आगै, पकडै पाव निरासा र
बाझ धणी मन रो भारी ओ तन तो तोला मासा रै

वाता मे बिचभीजै, ज्यारै तन मे ताप रयो कानी
सैना मे समझावे, ज्यारै हिवडै हाथ रयो कोनी

निजरा घणो तीसळें वारो, नैणा वदे न रास रयो-
मजळा मूधी लागै, ज्यारै पगल्या थार रयो कोनी

खेनणिया जीतै जग धाजी, कद न जीते पासा रै
बोभ घणो मन रो भारी, ओ तन ता तोळा मऽमा र

आगळ ठकी, जिका रै मन रा, पाप पडत खुलता देह्या
ओटी आग राख रै ओटै, बारा तन बळता देह्या
जितरा कसणा काठा बाध्या, उतरी लाज उघड आई-
वाधी पाळ जिका घाग पर बारा बध दुळता देह्या

मिनख सदा स्याणप मे जीवै, पण कुचमादी सासा रै
बोभ घणो मन रो भारी, ओ तन ता तोळा मासा रै

रुत नै रुजगार मिलैला

थोडा सा काटा छाटो रै
फूला रो मेटा फाटो र
सौरभ नै घर-घर बाटो रै
सुर नै सिएगार मिलैला
रुत न रुजगार मिलैला

थे राग रागणी टेरो रै
गीता री गमक उगेरो रै
भावा रा बीज बिखेरो रै
घरती नै धार मिलैला
रुत न रुजगार मिलैला

औ ग्राज-भ्राज ई साचो रै
वहतै वायरिये बाचो रै
मदवा मद छुकिथा नाचो रै
पग नै भरणवार मिलला
रुत नै रुजगार मिलैला

पी जावा वै पणिहारा है
 दिख जावो व उणियारा है
 लुट जावा वै विणजारा है
 विकिया बीपार मिलला
 रुत नै रुजगार मिलेला

भवरा नै मद भरमावा र
 कळिया । गळ लगावा रें
 कायल सू हस बतळावा रें
 गळिया गुलजार मिलला
 रुत नै रुजगार मिलेला

तारा री मैफन थारी है
 थारी ई आ फुलवारी है
 घरती ता अखन बवारी है
 मन न मावार मिलेला
 रुत न रुजगार मिलेला

प्रीत रो मद

लीरा-लीरा है जमारो, सीया तो करो
थोडो-थोडो प्रीत रा मद, पीया तो करो

नैणा री भामा मे जग भर री बाता है
रग वर री बाना है मन भर री बाता है
अण बाली-बाली मे बाता कीया तो करा
लीरा-लीरा है जमारो

हिवडै र हेताळ् री अडीक करणी है
हेत रो हताई न बधीक करणी है
जागती आग्या मे जोघन, जीया तो करो
लीरा-लीरा है जमारो

सास री कमाई तो घटती घट जाणी है
रूप री लुणाई आ लुटती लुट जाणी है
मैफन है मनवार प्यालो सीया तो करो
लीरा-लीरा है जमारो

भाकतड भराखा जाली, भाको तो सरी
 नेहू सू नागाडी निजरा नाखा तो सरी
 गाफल गुलजार गळिया गोया ता करा
 लोरा-लोरा है जमारी

अब आवै अब आवै जै आ बैम तो पाळा
 नित आव नितरा हो वै बाटा ता न्हाळो
 पीपली पसवाडें भाला, दीया ता करो
 लोरा-लोरा है जमारा

आबो फलग्यो ओ

आबो फलग्यो ओ कोयलडो समझ गई आ बात
चिडिया चहक चहक चरचावै फैल गई आ बात

बदल गया रंग रूप बदलगी भासा ई सगली
पथ पथ पगडडो सारं कह देवै आ बात
आबो फलग्यो ओ

सौरभ सीना ताण नीकली गाफल सी डोल
डाळी-डाळी ओ सखी सहेल्या बतलावै आ बात
आबो फलग्यो ओ

कितरी इतरी इतरी तितली चौकूटा गरणावै
डोड डोड मे डोड कागला दुलडावै आ बात
आबो फलग्यो ओ

माळी रै मनमोद बाग री साख सातरी है
छानै छानै फनबतिया मे कुण कैवै आ बात
आबो फलग्यो ओ

सुणै सूवटो मेना वाचै पाती प्रीत लिखी
वायरियो बळता कळभळतो कह देवै आ बात
आबो फलग्यो ओ कोयलडो समझ गई आ बात

“क्यू”

थारै तू बात करा म्है खिलत गुलाब री
आगणै री चानणी सू मिलत जवाब री

नदिया री धारा मे बीणा सी बाज क्यू
सागर री लहरा स नचती सी भाजै क्यू
हसतो सो फागणियो गातो सा सावण क्यू -
बिजली री बाधा मे बादलिया गाज क्यू

थार सू बात करा म्है खुलती किताब री
आगणै री चानणी सू मिलत जवाब री

काळ अधियार मे, निजरा मे आवै क्यू
कोसा री दूरी नै, नेह सी लाव क्यू
सूने मे साख भर, हिवडे हिमळास धरै-
खाली सा जीवण मे, खुसिया भर जावै क्यू

थार सू बात करा म्है मन रै हिसाब री
आगणै री चानणी सू मिलत जवाब री

कुरा कुरा ने बिलमासी

सगळी तसवीरा रा एकसार चहूरा क्यू
पथ तो पचासा है एक साथ डेरा क्यू
मौसम री मैदी न बार-बार बाटणिया-
रूप री तिजोरी प पाप रा ही पहरा क्यू

थारै सू बात करा म्है तन रै रिक्ताव री
आगणै री चानणी सू मिलतै जवाब री

आथ मती

उगिया पैली आथ मती, जाग्या पैली सीवै क्यू ?
चात्या पैली यमै मनो, दूढया पैली खावै क्यू ?
जीवरा जीणो है इमरत पीणो है

जीवण साबो पथ उघारै पगा कदे नी पूग सक
जीवण जवरो जुघ, भटकती सासा कदे न जूझ सकै
मजला मू घी, मरद, घणा ई खाडा खोचर माडा रै-
जीवण तिरतो फूल, उफणती बाढा कद न दूब सकै
साध्या पैली कोड मती, राध्या पलो ढोल्लै क्यू ?
बधिया पैली तोड मती, नितर्या पैली खोल्लै क्यू ?
धीरज धीणो है, कातर सीणो है

धाक्या धाक दवावै दाव भाग कदे न बढण दे
भाग्या, भाग मची सुणता हो दुसमी कदे न चढण दे
हारयोडा, ठार्योडै लाही वामू कुणसा प्रीत करै-
जाग्या, जाग जाणता ई जग जीत गीतडा पढण दे
सुळभया पैली उळभ मती, तपिया पली पूजै भ्यू ?
उपट यां पैला ढरै मती, मिलिया पैली मुरझै क्यू ?
समद बिमाणो है, रतन रगीणा है

कुण कुण नै बिलमासो

रोहो रो वण फूल मुरझणो आछो नही कहीजै लो
घावा रै तिरसूळ मुरचणो नितरा नही सहीजै लो
सायत रा सो अरथ हुवो पण अेक अरथ तो साचो है-
ससतर रै सामेळ जाता पाछो नही रहोजनो
जोडया पैली मोड मती, हसिया पैली रोवै क्यू ?
फळिया पैली फोड मती, काटया पैली बोंवै क्यू ?

बगत नगीनो है, रगत रगीनो है

करतब काठो रिया, जमारो झुकसी हृद सनमान करै
काटा सू पगथळिया बीघे, जद मारग अभिमान करै
सोया सू तो साख घट पण जाग्या जगमग जलम हुवै-
जस रा दिवला च्यारू कू टा पीढ्या लग गुणगान करै
उफण्या पैली ठार मती, जीत्या पैली हारै क्यू ?
उरस्या पैली सा'र मती, जलम्या पैली मारै क्यू ?

समर सलूणो है, दरद झलूणो है

हैं खीचड़ी खजूरा पैं

तू भूलियो मजूरा नै, अर छोडदी हजूरा प ।
आतो पकतो सी पकसी, है खीचड़ी खजूरा पैं ॥

बा धार अटकरी है, ब्यू राह भटकरी है
सगलाई जाण है—किए आख खटकरी है ।
तू ताफड तोड करै—फेरुई भूख मरै,
तू निवळ अबोलो है अब काई जोर करै ।
नोवा नै कुण पूछरे, है जद निजर कगूरा प ॥

अब कुण सू बात करा, कुण कुण नै साथ करा
मै अपणी ही सोच—कुण न समझात करा ।
थारो तू धारो है म्हारो म्ह म्हारो है,
है पेट घणो पापी, सगळ ओ धारो है ।
ना हो बीज बण कोई टपकै लाल अगूरा पैं ॥

रतना री डाबी दी, घर थाळ रकाबी दी,
तू कितरो भोळो है—चोरा न डाबी दी ।
लूटण नै डेरा है, पाचू पबसेरा है,
अब शाह नही कोई, सै अेरा गेरा है ।
तू बागा री रखवाळो, ब्यू छाड दी लगूरा प ॥



म्है जाणा

म्हानो कितरी पीणी है
म्है जाणा

इए मे कितरो जहर घुळयो, अर
कितरी चीणी है
म्है जाणा

म्हारें मन री तिरस अनूठी
पीता पाण बध
वाता—वाता मे कह देवै
पाजे कदे कदे

मन री भगजो कितरी फाटी
कितरी सीणी है
म्है जाणा

मनवारा स मन नी घापै
पुरस्या ई सरसी

लाज मर्या तो मर मर जास्यो
कुण काई कसो

कुण कुण नै बिलमासो

घो जलम जुलम करतो ही रहसी
चादर भीणी है
म्हे जाणा

ये नटस्यो तो घटसो थारी
म्हे तो याग हा

ये नद हो तळ ताळ तळया
म्हे मझघाग हा

आ बदरगी रग, रग जाणै
आ रग भीणी है
म्हे जाणा

लुभायां लेगी रें

काई-काई कवती काई कंगी रें
लाल-नाल लाली तो लुभाया लेगी रें
डाळ-डाळ आवें जावें चीळी री सुणो
उडयो-उड्यो आवें वीरें भीळी री सुणो
उड-उड कर उडतोडी उडाया लेगी रें

वाग-वाग री बहारा बण बावळो फिरें
हेर-हेरती हिरण्या, नें उतावळी फिरें
कूद-कूद कूदती कूदाया लेगी रें

में ना-में ना कैया में ही नै बुलावती
फरर फर फराट सू भाळा नै भुळावती
तोता-तोता बोल 'र बुलाया लेगी रें

ठरर-ठरर-ठरर कर तीरा पे तर
डरर-डरर-डरर कह जराक नी डरें
तिर-तिर तिरती तिराया लेगी रें



माणस

माणस ! तू पारस साचोडो, जीवण नै सोना सू भरल
मेक नदी पोखर सरवर के, तू तो सात समंदर तर लै

थारो हसणो, मन हरखाई
थारो गाणो गरव गमाई
तू खुमिया रो बडो खजानो—
थारै हाथा घणो कमाई

जीत सदा थारो भगवाणी, सातर पातर कमतर कर ल

तू सौरम री साख बधाई
रगा री मँफल महकाई
थारो सासा सरगम रा सुर—
पर सेवा, परसेव बहाई

दूजा रै हित आपो मेटी, इतनी बात हिया मे धर लै

तू हामळजे हेत हताई
साची साख सनेह सगाई
प्रीत पाळ परधक प्राणो सू—
सार्ग सरसो सत सवळाई

गुण मू गरज, गरज गुणी जन सू गिरा गिरा योगण सारा चरल

काटा सू कलिया चुण ल्याई
 भाटा सू भाणक बिण ल्याई
 जहर भरी जगती रै खातर-
 इमग्त रा सी घट भर ल्याई

सुख रा साज सजावण साथी, जण जण रोतू सकट हर लै
 माणस ! तू पारस साचाडो, जीवण ने सोना सू भर लै



आफत में आदमी

जमें ना जमी जग, नापती फिर
आफत में आदमी हापती फिर

ताकत तोली घणी, मैणत मोली घणी
घो घरती री घणी, कापती फिर

मिलै ना मजूर र होयगा हजूर सै
शेकली खजूर, छाव भापती फिर

पूछलै गरीब नै देखलै अमीर न
गमियोडै घोर नै, भापती फिर

भूल तेग धार न, वीरता र बार नै
धूल धो धार पग, चापती फिर

छोड़ प्रीत रीत नै, मोत नै सगीत नै
रहिमी न भीत निजर टापती फिर

बाचा दोय घडी

जहर भरो सारो जगतो मे, वरसीजं जहर भडी
कोई इमरत प्या देव तो, म्हे पोल्या दोय घडी ।

काटा हो काटा रो काकड, काटा रो ही वसतो
महकतो फूल मिल जावे तो, म्हे देखा दोय घडी ।

यासू वासू वात करे वै, म्हासू क्यू न करे
वै अण मोळें ही वोलें ता, म्हे मुळका दोय घटी ।

नटणी ही नटणी सै जाण, नटणी ही सै समझ
कोई हा ही भर लेवें तो, म्हे हरखा दोय घडी ।

जीवण जवरो जुघ जाणीयें, तावडियो तपे घणी
ठडी छावळी मिल जाव तो म्हे बैठा दोय घडी ।

पोथ्या को पोथ्या लिख भेजें, पण कोई नही पढे
वै आळी ही लिख भेजें तो म्हे बाचा दोय घडी ।

हार मती

हार मती र मरद माता, पता नाम का जियागानी ।
लोहा जाव द्याइ ट घा, ताव तावनी जियागानी ।

ध्यावग न न गृहणी नग गाव चवग यठ मती ।
गारग घावा, मज्जल घापी, घाव गेव यठ मती ॥
जाम जवावा रग मर्यापी, मता, ह्यावनी जियागानी ।

वातर वातर जाव जाव नू, सीग मोरणा दरी जरी ।
पेट पेट पाव-टा परता, जोत हूबसी रारा वरी ।
समभ समभणा घागे है ने भरम भावती जियागानी ।

घावटिया ना कर ममळगा, समळ ममळ घाग यपती ।
घुटन रा मतवार हूव व चडे पट पट पट चउती ।
यविमा तो धिर थार हूवेला, चाप, चापती जियागानी ।

पछतावो मत कर गफलत री, मुरज उगे जागे जद ही
बीती बीती समझ बीतगो, आसी वा आसी अब ही
घणो पढी है, घणो बढी है, नाच नाचती जिनगाणी ।

तू किएमू कमती कोनी रै, तू सा'सू बघतो बघती
तू किए सू पाछै कोनी रै तू सा'सू आगे बढती

हीण भाव री भूत भगादे, जीन, जीवती जिनगाणी
दीडी जावै दडा छट आ, नाप नापती जिनगाणी ।

ऊट डूगरा नीचै आया

मागस करी गुमेज, मतो तू पगा-पगा पर है भ्रवखाया ।
भरम भाव री भेद खुलला, ऊट डूगरा नीच आया ॥

मत इतरौ इतराव मनड म्हानै धडगो वाडा बडगी ।
अरुल अलेख सरीरा उपज, कहदे किसे किवाडा जडगी ॥

आ ता आपा हो जाणा हा, घाळा री ही काळो छाया ।
आखडता नै ज अखतासो, तो तू किए विघ सभळ सकला ॥

वारै पाळा खोदे खाई, थार निस्च कूप खुदला ।
तू कद सीतळ साळा सासी वान तपतै ताल तपामा ॥

प्रजब गजब है लाग भायला, अेक अेक सू है इदकाई ।
खुद नै खुदा वणा मत लीजै, नीतर होसी जगत हसाई ।

थारै गीता जद रस आसी, सा'र साग सुर मे गाया ॥

चालै वानै मजला मिलसी, विन चाल्या कद पथ कटै ॥

आस पिया नद तिरस मिटी र, सबदा सू कद भूख मिटै ।
दूध पिया ही पेट घापसी, किया घापसी गाय गिराया ?

क्यूँ दोस कबीरा पै

राणोजी रुसै तो कर रोस न मीरा पै ।
जग उलटै वास चढे, क्यूँ दोस कबीरा पै ।

अब साच सरमगी है, झूठ दरबारा म
लूटणिया लूट करै क्यूँ दण्ड फकीरा पै ।

सोनें रा सपना है, माटी री हाडी मे
बेला रा बीज नही, मन मर मतीरा पै ।

ठाला भूला टसक, जाजम पर जमरघा है
मझधारा जूझणिया, डूबै है तीरा पै ।

सुख रै सामैल तो जाणौ ई सै चानै
दुख रा दरदीला सुर, कुण सुणै मजीरा प ।

जग उडै अकासा मे, मन मरजो भागै ह
क्यूँ लोग इस्माई है, वै चल लकीरा पै

काजल ई काजल मे, घोळा नै कुण धारै
काचा ही खावणिया, क्यूँ मेकै खीरा पै ।

बात

थे जाणो भर जाणा म्हे ही, थार म्हारै कितरी बात
कुण कुण नै दया साफ सफाई, जितरा मूडा उतरी बात
दो हिवडा री हेत हयाई, जणा जणा री चढे जवान
सळ नै तो सळ ही रेवण दयो, अब तो सारै निखरी बात ।

प्रीत रीत पय भीत देखता भीर देखता हस वतलाण
लोगा रै बघगो अबखाई, म्हे तो जाणा इतरी बात ।

थारै खातर तन मन बारा, धन सम्पत्त सू दे सनमान
पण थारी ना समझी सू ही बीच बजारा बिकरी बात ।

गळी गळी मे बेळ कुवेळा, भाणो जाणो है निरसार
समझा हा पण समझा कोनी, आ तो म्हारै नितरी बात ।

भोळा री भोळप तो देखो, भरी भीड मे बोला बोल
घ्यार दिना री जिनगाणी मे, लुक छिप करस्या कितरी बात ।

मन मे के मजमून देह रै दरपण मे आज्यावै सार
भोलै छानै बात करा भर चोड घाडे निखरी बात ।

थारी ना सू हुवै उदासी, थारी हा, सू हरख घणी
थारै निरखण री निजरा सू नखरा कर कर निखरी बात ।

सोरठा

मालण ल्यायी फूल, ओढी भर्या वजार मे
भोळा करदी मूल, फूला रै बदळें बिक्या
मालण मत कर मोल, फुलडा भरदे खोळ मे
सोने-चादी तोल, जोवण कोकर थामसो
मालण थारा फून लाग कितरा फूटरा
तोडघा कोनी सूळ, नैणा मे चुभसी घणा
मालण डाळ मरोड, हिवडें मे हरखी घणी
फूलडा-फुलडा तोड, छोडी जोवन छावळी
मालण सोच्यो बीज, रुत आई वेला रगी
वरसाळे मे भोज, भून फूल ओला कर
मालण मत कर मोल, मीको है बिन मोल दे
समो गमावें तोल, सूक्या बिकै न फूलडा
मालण थारें वाग, आवण री मनस्या घणी
फूला छायो फाग, जोवन छायो भुरमटा

ਸੌਰਠਾ

ਬਾਲਪਣੈ ਰਾ ਮਾਧ, ਦੇਖੈ ਪਯਾ ਦਹਨੈ ਨਹੀ
ਜੋਬਨਿਆ ਰਾ ਹਾਥ, ਹਾਥ ਚਠਾਵੈ ਅਯੁਗਿਯਾ
ਬਾਲਪਣੈ ਰੀ ਬਾਤ, ਰਮਤਾ ਥਕੈ ਨ ਰੇਤ ਮ
ਜੋਬਨ ਥੇਲੈ ਧਾਤ, ਰਾਤ੍ਹੂ ਚਾਦੋ ਤਾਪ ਦੇ
ਬਾਲਪਣ ਰੀ ਬਾਤ, ਮੀਠੀ ਲਾਗੈ ਮੋਕਲੀ
ਜੋਬਨ ਐਡੀ ਜਾਤ, ਬਾਤਾ ਸੂ ਬਿਲਮੈ ਨਹੀ
ਬਾਲਪਣ ਰਾ ਬੋਲ, ਲਾਖਾ ਰੈ ਵਿਚ ਬੋਲ ਦੇ
ਜਾਬਨਿਆ ਰਾ ਕੋਲ, ਧ੍ਯਾਨੈ-ਧ੍ਯਾਨ ਸੀ ਕਰੈ
ਬਾਲਪਣੈ ਰਾ ਮੀਤ, ਮਿਲੈ ਨ ਫੇਰ੍ਯਾ ਮੋਕਲਾ
ਜੋਬਨਿਆ ਰੀ ਪੀਤ, ਪਲ-ਪਲ ਮੇ ਪਾਈ ਪਛੈ
ਬਾਲਪਣੈ ਮੇ ਲੇਨ, ਮੁਦ ਮੁਦ ਨਿਰਲ ਮਾਵਡੀ
ਜਾਬਨ ਕਰਦੇ ਜੇਲ ਤਾਲਾ ਦ ਆਡੀ ਹੁਵ

बात कर बादल सू

सावण री सौगात, बात कर बादल सू
वरसैला वरसात, बात कर बादल सू ।

अळगा है अळगाव भीत मन मानीता
सो वाता री बात, बात कर बादल सू ।

जे तन मन मे आग, अणूती भळ काढे
बुझ सी अवकी स्यात, बात कर बादल सू ।

कामणिया मन कोड, पीव पण परदेसा
होमी सगळो साथ, बात कर बादल सू ।

हीडा री हमजोळ, तीज री तीजणिया
लहर्या मे लहरात, बात कर बादल सू ।

बिजळी तणी वणाव, नाच री नाचणिया
मन ही मन मुस्कात, बात कर बादल सू ।

मिलण री मनवार, वार वै थ्यू वरसो
आवेला अधरात, बात कर बादल सू ।

थे आया

थे आया मन मोसम बदळे,
तन धारे तरुणाई
पो 'र घडी मे, घडी पला मे
समै प्रीत सरणाई
सास सास सुरापण समळे,
प्राण री गत न्यारी
काना मे रस राग घुळीजै
नैणा मे छिव थारी
पग मे निरतण घूम मचावै,
रगसाळा जग सारो
हाथा मे मैदी मडजावै,
होया सागो थारो
घरती उठ असमान नापले,
चादो बोले म्हासूं
समदर कोड किलोळा थिरकै
वात करा जद थासू
जीवण साची जीवण लागै
हरखा हेत हताया
सो बोता री अक बात हे
सं किरतव थे आया

मुक्तक

दिवला धारी जोत सफळ, जद आय पतगो बळ जावें
फुलडा धारी सौरभ रें मिस, आय भवरडो वध जावें
कोयल धारा गीत फळें जद, वागा री कूपळ मुळकें
चादा धारी रूप सफळ चितराम बटाउ बण जावें

चादो आवें म्हारें आगण भाकें आधी रात का
झिल मिल तारा नोद उडावें, भरम भरें मी भात का
रळमिल नाचें हिरण्या किरत्या, मोद करें नभ आगणे
मन रो बात मना मे राखें जाय छुपे परमात का

सरवर छळकें निरमळ पाणी, आवें साधण नाचती
पगडढी पर लिह्या पीव रा, प्रीत गीतडा बांचती
बिन प्याला मतवाळी होवें, लहर-लहरसू बोलती
तू सरवरियें तिरसी, रंगी, रंगो नीर उध्वाळती

काळी घोळी वादळी तू बिन बरस्या मत जावें अ
सूखें खेता बीज फळ ना मतना घरण लुकावें अ
घणें हेत री घणी तपन सू नैणा तातो पाणी अ
कीकर सीचू इण पाणी सू प्रीत बीज बळ जावें अ

आ' नै देखो वा' न देखो
 छान माने सा' न देखा
 अक बात पण माना म्हारी-
 वे मतलब ही का 'न देखा

आ' सू मिलिया, वा' सू मिलिया
 साच माच मे, था सू मिलिया
 बो मिलणी वे मिलणी बहैगो-
 जद जद ही म्ह म्हासू मिलिया

जै मिल ज्याता आप अठै, कितरी बाता कर लेता
 वे मतलब ही हस लेता हस हस दुसक्या भर लेता
 जुग बरसा री के कहणी, ओ समै पळट जानो छिए मे
 सो सो जीवण जी लेता, सो सो जीवण मर लेता



राजस्थानी नार हू

जुगा-जुगा सू इण फरती र, जण-जण रो रखवाळ करू म्है
दुख नै सुख मे बदळ सवारू, पळ-पळ रो प्रतपाळ करू म्है

सिरजन हू, सिणगार हू
निरतण हू, भणकार हू
भीरा रो इकतारो हू
जोहर रो अगारा हू

पदमण करमवती रै सागै, सगपण मरण त्युहार हू

राजस्थानी नार हू

राजस्थानी नार हू

वीणा पाणो रो वाणी वण, जग-जग मे बिस्तार करू म्है
लिछमी रूप घार घरती पर, अन-धन सू भटार भरू म्है

दुर्गा रो अवतार हू
ताकत रो तळवार हू
करमा रो प्रणप्यारो हू
नागण रो फणकारा हू

मैदी और मसाण पिछाणू, मौन तणी मनवार हू

राजस्थानी नार हू

राजस्थानी नार हू

हर बूटे री कळी-फळी हू हर धारै री क्यारी हू म्है
खेता सौव सभाळी राखू, हरख भरी हरियाळी हू म्है

करसण री पतवार हू
ग्रिम्ती हू घरवार हू
घरती री हलकारो हू
जीवण री पतियारा हू

फळवती फूला बेल वणी म्है, मीठी गटक जवार हू
राजस्थानी नार हू
राजस्थानी नार हू

भजना रा करताळ मजीरा, काती पुस्कर पडी हू म्है
सावण रा भूला, राखी हू, फागण मूमल मैदी हू म्है

भगती री गणगौर हू
सगती री सिरमोर हू
मिनखा जूण जमारो हू
वाली, दीप उजाळो हू

अधारै री धाक् मिटावण, भळवळतो हुकार हू
राजस्थानी नार हू
राजस्थानी नार हू

रावण कद मरसी

साल्यू साल मरै रावण पण साल्यू साल जनम लेले
राम बाण नी काम करै रै, भीतर घात भरम ले ले ॥

देश विदेशी तोषा सू तो इण रो शीस नही भडमी
गोळा तो थे बोळा ल्याया, बासू पार नही पडमी
दस माथा को इक माथाळो जाणो हो थे के वर ले ॥

इण रा चेला चाटी म्हाटा जगा जगा पर छारघा है
बाळ पडो दुकाळ पडो पण अँ तो मोज उडारघा है
रिस्वत रा राकस ही राकस जगा जगा पर पग मेलै ॥

दूध दही घी खाड मसाला, कपडा मिरच दवा दार
घणो मिलावट हो री है रै, जहर शुद्ध नी था सालू
खरदूसण वररया परदूसण, सुरपणखा कबहुी खेलै ॥

महगार्द सुरसा सी सगळे, दिन दिन वधनी हो जावै है
 दो नवरघा रै चादो चोखी सोने रा विस्कुट ल्यावै है
 कुम्भकरण सा आप सोयरया, जणा जणा भक्त भलै ॥

रावण रो वस घणौ लाम्बो, या बोला रावण कद मरसी
 अगन पूत वणल्यो अंकरसा, अगन वाण घारघा सरमी
 भूठी 'रामाण' करया के मिलसी, मिलसी जो माया मेलै ॥



हलोत्यो

आज हलोत्यो नट मत रै, हल कर काटे भटपट रै
तू चला बसाल्यो खट, खटक खट खट
खटक खट खट रै खाती जा

मेह बाबो मोकळो

घररर गरजै मघ, पळळळ पळकै बीज
खळळळ खळकै नाळा म्हे देवा बाजरो बीज
तो होसो घान रा थट

तू चला बसोलो खट

छणणण छाटया माठ छम छम कूटी खोच
गळळळ पो गळवाण्यो, म्हे पूगा खेता बीच
अर करा कमाई डट

तू चला बसोलो खट

खणणण खणकै नै'णा, फररर फहरै चीर
कामण खेत सवार हाळी म्हे बड बीर
तो काळ जावैलो घट

तू चला बसोलो खट

भररर भर पसीनो, लोई बणायो नोर
टणमण टाकर टणक है बळद कमाई सोर
म्हे भणा राम री रट

तू चला बसोलो खट



भायला

काम नही, तो काम अेक है, वर वंठे हडताल भायला
परजाततर रो पूजा मे बजा रिया खडताल भायला ।

राज आपणी आपा उणरा, अब कुण न के कहणो है
रोजगार तो नही मिले पण बोट देण न चाल भायला ।

बाड खेत नै ही खावे तो, समझ घोर संकट घडिया
सेवा मीदर ज्यान समझ, बठ खीचले खाल भायला ।

सपन बनाया मे'न माळिया, सपना मे मखमल नापी
लीरा लीरा वसतर बागा, ओ काई है हाल भायला ।

आपा घापी घणो माच रो, खावण रो नी स्वाद रह्यो
कुण पुरमै कुण न्यूत जिमाव, महगाई मे माल भायला ।

वो भूटो, वा साचो कोनी, कुण पर करा भरोसा क्या
राजनीत दल म्हारी निजरा, मछुवाग ह जाळ भायला ।

दोहा

गरज गरब न गाळ दे, गरज करावे घात ।
गरज भुलावे फरज नै, गरज गिरज री जात ॥

गजब हुबै गरोबडा, गळती री सो गाळ ।
दाणा री दरकार है, दळसी दस मल दाळ ॥

करणा री तो नाम है, कुदरत कर कमाल ।
खारी भाटी नीपजै, मोठी गुटक रसाल ॥

ठाला घेठघा ठाकरा, सूभै आळ पताळ ।
घर आगण की डूमणी, नाच ना नो ताळ ॥

जलम्यौ कठे तू जीवडा, कठे बसायी मेह ।
उठी कठा सू वादळी, कठे बरसियो मेह ॥

ऊडा ऊडा समदरा, ऊची ऊची पाळ ।
ऊचा ऊचा डूगरा, नीची नीची ढाळ ॥

सोरठा

कातर कातर जोड़, सीखें दरजी सीवणी
तिणनो तिणनो ताड़, बेर कर सो बावळो
घोवण घाळा घाय, दाग मिटा दे दीठ रो
नेह रै नीर निचाय, जीवण वागो जार का
सुख मे सार समाळ, दुख मे दुरगत दीन की
राख गम रखाळ, पार कर परमसरो
विसवासा मे चास मित्र सदा मन सू कर
हीणा करे हतास, घाखां देवें दागला
पच पच थक पचास, समरथ अरु समाळ ले
कात्या वण्यो कपास, भूरख कर दे मिनट मे
अण जाण्या नै जाण, जाण्या नै वे जाणनो
पक्की कर पहचाण, पछ करीजे फेसलो
बिण रा के विसवास, जिण न तू जाणै नही
कद वणसी वो खास, चकमा दे चालाकडो

कवित्व

पीढ़ियों से सघनरत राजस्थान के कवियों ने धनुभूत की अभिव्यक्त करने के लिए वाणी को घोड़स्वी और कोमल सुर प्रदान करने वाले जिन शब्दों का निर्माण किया उनका उपयोग करते हुए मुघी पाठकों को आनंदित करने की सामर्थ्य रखने वाले कवियों में बल्लारणसिंहजी ने जो स्थान बनाया है, जो श्यामि अजिन की है, उसका निर्वाह इस सकलन द्वारा भली भाँति हुमा है। राजस्थानी जीवन के माधुर्य को अधिकार पूरा ढंग से ढालने की कला और कीशल अजित कर उन्होंने इस सकलन में हृदय-प्राप्ति काव्य प्रस्तुत किया है।

—कैलाशदान शि० उज्ज्वल